



# ЛЕНИНЭНЬ КИЯВА

ВЛКСМ-нь Мордовской обкомонь ды Саранск ошонь комитетэнь газетаст

1941 ие  
М А Е Н Ь  
7-це чи  
50 (1346) №  
ЛИСИ: 11-це ие,  
12 № ковс

## Келейстэ аравтомс колхозной паксятнесэ социалистической соревнованиянь

Эрва чистэ яла седеяк пек келей-гадыть минек республикань колхозной паксятнесэ тундонь роботатне. Боевой, пси чить ушодовсь велень хозяйства-сонть. Мордовиянь ламо тышат колхоз-никть ды колхозникат, трактористт ды совхозонь робочейт, истя жо, кода лия республикань ды областень трудият-не, дружнасто ды организованноста кундасть тунда видеманть нурька шка-ды вадря качества марто ютавтоманть кис бороцямо.

Колхозтнень, бригадатнень, звенат-нень ды башка колхозниктнень ютксо келейстэ ушодовсь социалистической соревнования сэрей урожаенть полу-чамонзо кис. А ведь, кода создаз, што-бу получамс сэрей урожай, эрви шкасто ды вадрясто ютавтомс тунда паксянь роботатнень. Секскак самай неень шкастонть колхозниктне эсест социалистической обязательстватнесэ васенцекс ды сех покшокс ловить сень, штобу образцово-ста ютавтомс тунда видеманть.

Социалистической соревнованиясонть колхозтнесэ ды совхозтнесэ комсомо-лецтнэ ды од ломатне молишь сех ике-ле. Трудонь вечкемань личной пример-эст сынть тердить эсест мельга весе массатнень трудонь покш производ-тельностьтнень кис бороцямо.

Истямо пример паксянь роботатнень ютавтомсто невить Ардатовской рай-ононь «Красногвардеец» колхозонь ком-сомолецтнэ. Комсомолецтнэ тесэ актив-насто ветить политико-массовой работа колхозниктнень ютксо. Теке марто вей-сэ сынть лововить колхозсонть сехте вадря ударникекс ды стахановецекс. Сайсынек, примеркс, А. Абрадин ком-сомолецтнэ, кона омбоце ие уш пак-сянь роботатнесэ свал велькска топажни заданиянзо. В. Долотов ялганть зве-нань комсомолецтнэ эрва плугсонть чоп соксить омбоцепелень-омбоцепе-лень гектар.

Келейстэ моли социалистической со-ревнованиясь эрва гектарстонть сядо пондонь урожаенть получамонзо кис Лям-бирской районь «Пятилетка» колхоз-сонть ды Кочкуровской районсо «17 партс'езд» колхозонь од ломатнень ютк-со. Тесэ комсомолецтнэ ды од ломатне ис-тяжо покш энтузиазма марто бороцить тунда видеманть нурька шкас прядо-манзо кис.

Колхозонь весе комсомолецтнэ ды од ломатне неень шкастонть должны явомс весе мелень сень ланге, штобу кир-тамс видемань сроктнень. Миненек а эрви стувтнемс сень, што видеманть кувать шкас сацтнемась алкалгавтсы урожаенть, што те питнейстэ сти кол-хозтнэньгак, государстватненьгак. Комсомолецтнэнь эрви путомс весе эсест виест сень, штобу видемань планонзо топавтовлize партсэ эрва колхозосэ, эрва бригадасэ, эрва зве-нась.

Паксянь роботатнень образцово-ста ютавтомань цельтнесэ, комсомолецтнэ должны вадрясто аравтомс колхозникт-нень ютксо агитационно-массовой ро-ботанть. Комсомольской организаци-онь задачаст ашти сеньсэ, штобу эр-ва кода лездамс хозяйственной руке-водителствонень ды партийной органи-зациатнень тунда видеманть больше-вистскойста ютавтомасонть, колхозникт-нень, совхозонь ды МТС-нь робочейт-нень ютксо социалистической соревно-ваниянь келейстэ аравтомасонть.



Рузаевской паровозной депо 715—38-це № комсомольской паровозонь стахановской бригадасэ.

СНИМКАСОНТЬ: (керш ёндо витев) машинистась Шапошников, машини-стань помошникесь Коротков ды кочегарось Батаев ялгатне.

Фотось В. Дюковонь.

## Покш Кремлевской Дворецсэнь торжественной собрания, кона посвященоель Военной Академиянь прядыця командиртнэнь нолдамонтень

Маен 5-це чистэ Покш Кремлевской Дворецсэнь заседаниянь залсонть уль-несь торжественной собрания, кона по-священоель командиртнэнь нолдамон-тень, конат прядсть Якстере Армиянь 16 Академиятнень ды гражданской ву-зонь 9 военной факультетнень.

6 чассто чокшне заседаниянь за-лонтэ пештиз выпускниктне, военной Академиянь профессортнэ ды препода-вательтне, высшей военной ды военно-морской командованиянь представител-тне.

Виев кувать молиция овациясо васто-ви Сталин, Молотов, Ворошилов, Калинин, Каганович, Андреев, Микоян, Жданов, Шверник, Вознесенский, Щербаков, Маленков, Тимошенко, Кузнецов ялгатнень президиумсо поя-вост. Присутствующейтне сядо при-ветствовить Сталин ялганть ды сонзэ соратниктнень. Овациясь моли жарыя минутань перть.

Председательствующеесь Оборонань Народной Комиссарось Советской Сою-зонь Героесь ды Маршалось Тимошенко ялгас докладонть туртов максы вал Якстере Армиянь военно-учебной заве-дениятнень управлениянь начальни-кентень генерал-лейтенантонть Смир-нов ялганть. Эсь докладсонзо Смир-нов ялгас тейсь меельс иестэнтэ Як-стере Армиянь военной Академиятнень ды гражданской вузонь военной фа-культетнень роботаст итогт.

Теде мейле СССР-нь Верховной Со-ветэнь пельде приветствиянь туртов вал максови Верховной Советэнь Пре-зидиумонь Председателентень Калинин ялганть, кона ульнесь вастозь пек виев, кувать молиция овациясо. Калинин ялгас ёвтась кемема сеньсэ, што во-енной Академиянь прядыця командир-тнэ, армияв велявтоз, кандсыз сонзэ эйс весе се сехте вадранть, мезе сын-сайстэ эсест тонавтнема шканть перть, ды бойкасто освоят се эрвикс опытанть,

кона эрви соответствующей родонь войскань командиртнэнь.

Калинин ялгас эсензэ выступлени-янзо прядызе весе присутствующейт-нень пургинень кондымо виев аплодис-ментэст коряс.

«Якстере Армияньтэ кис ура!»

«Ленинэнь—Сталинэнь партианть кис ура!»

«Великой Сталинэнь кис ура!»

«Ура», «Шумбра улезэ минек вож-десэ ды руководителесь великой Сталин» сеерематне кувать а лотксить залсонть.

Тимошенко ялгас большевиктнень Всесоюзной Коммунистической Парти-янть Центральной Комитетэнь пельде ды Советской Правительстванть пельде приветствиянь туртов максы вал Сталин ялганть.

Весе присутствующейтне стить эсь таркастост ды теить Сталин ялганть восторженной овация. Кувать а лотк-сить сеерематне: «Социализмань масто-ронь вооруженной вийтнень организа-торонть великой Сталинэнь кис ура!»

Сталин ялгас эсь выступлениясон-зо тешкстынзе покш лиякстоматнень, конат меельс иетнестэ теевсь Яксте-ре Армиясонть, ды тешкстынзе, што неень войнань опытань коряс Якстере Армиясь перестроился организационна ды серьезнойста перевооружилсь.

Сталин ялгас приветствовинзе командиртнэнь, конат прядсть военной Академиятнэнь ды арсесь сынест успехть роботасост.

Сталин ялганть речезэ, кона мольсь малав 40 минутат, ульнесь кунсолосэ пек покш мельсэ.

Реченть прядомадо мейле присут-ствующейтне таго тейсь Сталин ялган-тень виевдеак виев овация.

(ТАСС).

## Военной Академиянь, выпускниктнэнь- командиртнэнь Кремлясо примамось

Маен 5-це чистэ чокшне, Покш Кремлевской Дворецсэнь, ВКП(б)-нь Центральной Комитетэсь ды СССР-нь Правительствасэ тейсь военной Акаде-миянь выпускниктнень приём. Чокш-не 7 частнэнь гостне пештиз Георг-иевской залонтэ, Грановитой пала-танть, Владимирской, Вишка ды Од залтнэнь. Военной Академиянь выпуск-никтнеде башка тезэнь пуромсь ВКП(б)-нь ЦК-нь члентнэ, народной ко-миссартнэ, СССР-нь Верховной Сова-тэнь депутатнэ, Якстере Армиянь ды Военно-Морской Флотонь высшей коман-дованиясь, Советской Союзонь Геройт-не, Социалистической Трудонь Геройт-не, военной учебной заведениянь на-чальниктне, профессортнэ ды препода-вательтне.

Пек покш мельсэ ды воодушевления марто присутствующейтне вастыз Ге-оргиевской залсонть Сталин, Молотов, Ворошилов, Калинин, Каганович, Андреев, Микоян, Жданов, Шверник, Вознесенский, Щербаков, Маленков, Тимошенко, Кузнецов ялгатнень поя-вост.

Нурька речь присутствующейтнэнь ёвтась Оборонань Народной Комисса-рось Советской Союзонь Героесь ды Маршалось С. К. Тимошенко ялгас, кона седейшкава приветствовинзе Як-стере Армиянь Военной Академиянь выпускниктнэнь.

Выпускниктнэнь пельде приветствен-ной речь марто выступили 5 ломать.

Сталин ялгас яволявсь здравияца Военной Академиятнень весе руково-дящей ды преподавательской соста-вонть честьсэ ды ёвтась кемема, што Военной Академиянь выпускниктне частнес кармить велявтнеме од техни-канть пек вадрясто создаз.

Седе тов Сталин ялгас корты Як-стере Армиянь войскань башка род-тнэнь значениядост ды яволявты здра-вица артиллеристнэнь, танкистнэнь, летчиктнэнь, кавалеристнэнь, пехоти-нецтнэнь, инженертнэнь, техниктнэнь, сапертнэнь, связистнэнь, самокатчик-тнэнь, парашютистнэнь, минометчик-тнэнь честьсэ—весе видэнь оружие-нянь представительтнэнь честьсэ.

Пургинень кондымо «ура» кайсетн Дворецканть.

Тимошенко ялгас эсензэ приветст-венной валонзо посвящает Военной Академиянь начальниктнэнь. Сон терди сынст кепедемс Академиятнень роботаст Якстере Армиянь касозь тре-бованиятнень уровенентень.

Теде мейле сон еще вест седейшка-ва приветствови Военной Академиянь весе выпускниктнэнь ды лецни сын-нест ответственной задачатнеде, конат аштить командиртнэнь ике-ле частнесэ сынст практической роботасост.

—Тынк задачанк,—корты Тимошенко ялгас,—апак лотксе, чистэ чис ды чассто часос кемекстамс минек Яксте-ре Армияньтэ мощензэ, достойнойста ды честь марто, кода эрви минек командиртнэнь, топавтомс весементь, мезе вешить минек пельде минек Пар-тиясь, Советской Правительствасэ.

Приёмось мольсь жарыя часонь перть. Гостнэнь туртов ульнесь теезь покш концерт.

(ТАСС).



## Эрзянь кельсэ газетатне ды художественной литературась

Эрзянь ды мокшотнень, кода и ламо аволь русской народнень, Октябрьской революциянь самс арасельть эсест кельсэ сёрмадозь а газетат, а книгат.

Экономической ды национальной гнетось, пингед пингс майсематне ды эксплуататорнень каршо апак лотксе туремась — вана лепштыз народонть историязо.

Истямо уш ломаненть ладозо — а пидарды сон апак мора. Истямо документакс, кона витьс эрзянь народонть мелензэ, ульнесь фольклорось. Ламо пингень перть эрзяне складясть ёвкст, морот, урнемат, лайшемат ды лият. Фольклорной те материалось парсте невти эрзянень мелест, бажамост.

Аняк Октябрьской социалистической революциядонть мейле эрзяне получасть прават кортамс родной кельсэ печатной вал вельде. Партиянь национальной политиканть тевс ютавтоз, кармасть касомо содержаниянь коряс социалистической, формань коряс национальной культурась.

Васень газета эрзянь кельсэ кармасть лисеме Ульяновск ошсо 1920-це иестэ. Газетайть лемезэ ульнесь «Чинь стямо». Теде мейле, 1921-це иестэ Московско ушодызе эсензэ эрямонзо «Якстере теште» газетась. Теке жо иестэнь Саратов ошсо лиссь светс «Якстере сокиця» газетась. Мокшонь кельсэ «Од веле» газетась появась 1924-це иестэ Пенза ошсо.

Нетъ газетатне ульнесь васенце печатной валокс, конат родной кельсэ, чарьковедиксэ ёвтнесь мокшотнень ды эрзянень большевистской партиянь ды Советской правительстванть политикадот. Неке жо газетатне кандсть велетнес родной кельсэ художественной васень вал; сынъ ульнесь селькорской движениянь ды од писателень вийтнень организаторкс.

«Якстере теште» газетанть эрзянь велетнестэ кармасть само родной кельсэ сёрмадозь корреспонденция. Икеле лепштыз народонть истямо ульнесь стихотворениянь сёрмадомань покш мелезэ, мик заметканынгань ламот сёрмадльстэ стихсэ. Тесэ жо рашты ды виензы писательской од актив, примеркс, П. С. Глухов ды лият. Аламодо седе мейле, 1924—1926 иетнестэ састь од вийть: А. Лукьянов, А. Моро, А. Куторкин, А. Зиньков, П. Кириллов.

Саратовсо, «Якстере сокиця» газе-

танть перька промсть истят сёрмадомо ушодыця поэтт, кода Тюртук, Н. Цыганов, Кривошеев, Ильфек.

Вере невтезэ газетатнень мельга кармасть лисеме эрзянь кельсэ газетат лия таркавалк. 1923-це иестэ Петровск ошсо кармасть нолдамо «Од веле», 1924-це иестэ Кузнецкойсэ — «Якстере веле», 1925-це иестэ Новосибирскойсэ «Од эрямо».

Зярдэ ульнесь организовазь Мордовской округ, а мейле область ды 1935-це иестэ автономной республика, литературной эрямонь центрэкс теевсь Саранск ошось, косо кармасть лисеме ды нейгак лисить кода эрзянь, истя жо мокшонь кельсэ истят газетат: «Эрзянь коммуна», «Ленинэнь киява», журнал «Сятко», эйкакшонь журнал «Пионерэнь вайгель» (эрзякс); «Мокшень правда», «Комсомолонь вайгель» ды журнал «Колхозонь эряф», эйкакшонь журнал «Якстерь галстук» (мокшонь кельсэ); «Красная Мордовия», «Молодой Ленин» ды альманах «Литературная Мордовия».

Нетъ газетатнень ды журналтнень эйсэ кармасть печатамо эсест произведенияст писательтнень основной массась. Ламот нетъ писательтнень эйстэ штюпишъ виест покш произведениянь сёрмадомасо. А Куторкин сёрмадсь покш поэма ды оперань либретто «Ламзурь», П. Кириллов сёрмадсь пьеса «Литова», В. Колосов роман «Лавгинов» ды «Проклопыч» пьеса.

Те пек парсте невти, што минек писательтнень рядс сыть одт, свежа вийть. Паро ёнксокс эрзянь ды мокшонь литературатнесэ ашти сеяк, што минек писательтне кеместэ кармасть туреме схематизманть каршо ды седе парсте роботыть эсест произведенияст лангс. Но яла теке эряви мереме, што минек литературасонть пек ламо еще асатыкт. Минек шкань ламо событийтне эрзянь ды мокшонь литературатнесэ апак невте. Арась вейкеяк произведения стахановской движениядонть, апак невте тейтерь-авань неень шкань положительной образ ды ламо лият.

А эряви стувтомс, што сеть газетатнеде башка, конат лисить Саранск ошсо, эрва районосъ нолды эсензэ газета.

Весе те корты седе, кода партиянь ды правительстванть руководстваст коряс касы ды кемексты народтнень культурась, печатесь ды литературась.



Саранской 1-це № средней школань тонавтицяне школьной стенгазетань редколлегиянь члентэ Валя Скворцова ды Леля Потапкина нолдыть стенгазета.

Фотось Б. Козловонь.

## Газетатне монень лездыть эрва чинь роботасон

Те тевесь ульнесь 1934 иестэ. Мон сестэ Саратов ошсо карминь тонавтнеме медицинской рабфаксо. Яксилин эсенек якстере уголоков. А тосо свал ульнекшнестэ газетат — «Правда», «Известия» ды лият. Весть истя самнь вейке, омбоце, ванкшнынъ ды мекев путынъ. Мейле кода бути ловнынъ кавтошка стаят. Ды аламось аламось мон истя тонадынъ газетатненень, што эрва чистэ уш ловнылынъ эйсест. Газетась эрямосон кармасть улеме, кода мерить, необходимостекс.

Ней мон роботан Чукало велесэ средней школань преподавателекс. Центральной ды республиканской газетатне, истяжо журналтне монень лездыть эрвачинь роботасон. Сынст ловнозъ мон ламодо кедеян эсенъ политической ды культурной уровнем.

Ули газета «Пионерская правда». Сон бую эйкакшонь газета. Но покш мельсэ ловнокшная эйсэнзэ монгак. Сон лезды тень, прок классной руководителень, эйкакштнень воспитаниянь тевсэнтъ.

Партияной ды комсомольской газетатнестэ мон свал мукшнан эрявикс материал колхозниктнень, од ломатнень ютксо культурно-массовой роботань ветьаме. Сынст эйстэ мукшнан эрявикс ответт весе сеть вопроствань лангс, конат интересуют колхозниктнень, од ломатнень.

«Эрзянь коммуна», «Ленинэнь киява» газетатне ды «Сятко» журналось пек покш лескс макснить эрзянь келенть тонавтеманзо коряска.

Ник. Базайкин.

Ардатовской р.н.

## АГИТАТОРТНЕНЬ РОБОТАСТ

Вирь ало Тавлань школьной комсомольской организациясь явсь зяряя активной комсомолец агитаторкс — тунда видема шкастонть колхозниктнень ютксо культурно-массовой роботань ветьаме.

Комсомолецтне-агитатортне кемекстэзь бригадава. Тосо сынъ нолднить

стенной газетат. Колхозниктнень толковить СССР-нь Совнаркомонть ды ВКП(б)-нь ЦК-нть постановленияст колхозниктнень трудост дополнительной панломанонть. Ловнокшнынъ газетат, ютавтнить беседат.

И Борисов.

Кочкуровской р.н.

## Печатень чись

Большевистской печатень чись ютавтнени ленинско-сталинской «Правда» газетань васенце номеранть лисемань годовщинастонть. «Правда» газетась кармасть лисеме 1912 иень маень 5-це чистэнтъ. Сонзэ ульнесь пек покш ролеза большевистской партиянь кемекстамонь, партиянь кадратнень воспитаниянь ды пропагандань тевсэнтъ.

Большевистской печатесь свал налкисль покш роль минек партиянь историясонзо. Печатесь, кода мерсь Ленин, аволь аняк коллективной пропагандист ды коллективной агитатор, но и коллективной организатор.

Великой Октябрьской социалистической революциядонть икеле большевистской печатесь партиянь кельсэ ульнесь пек важной ды пшти оружиякс царизманть ды буржуазиянь каршо борожымосонть, буржуазиянь эрва кодат агентнень каршо, партиянь ды рабочей классонь врагтнень каршо борожымосонть.

Капитализманть ёртомодо ды пролетариатонь диктатуранть аравтомадо мейле печатесь налкиссь пек важной роль СССР-сэ социализмань строительствасонть. Гражданской войнань толонтъ поцо, кававтозь народной хозяйстванть восстанавлениянзо кис бо-

рожымосонть, великой сталинской пятилеткатнень иетнестэ большевистской печатесь народной массатнень кеместэ пурныль партиянь перька — социалистической строительствань грандиозной задачатнень тонавтоманть туртов, беспощадно тапась народонь весе врагтнень — империализмань трокистско-бухаринской ды буржуазно-националистической агентнень.

Аняк минек масторсонть трудипатнень алкукс ули печатень олячист. Сталинской Конституциясь СССР-нь граждантиненень гарантирует печатень олячи ды максъ трудипатненень ды сынст организациятненень тень туртов эрявикс весе материальной условиянень.

Советской властенъ иетнень перть печатесь СССР-сэ кась пек покш виакс. 1913 иестэ Россиясо весемезэ лисиль 859 газета, 24 кельсэ. Сынст тиражост ульнесь 2,7 млн. экземпляр. А 1939 иестэ минек масторсонть лисиль уш 8.769 газета — СССР-нь народтнень 70 кельсэ. Газетатнень тиражост ульнесь 7 миллиард экземпляр. 1913 иенть коряс минек масторсо газетатне ламолгадсть кеменьксты, сынст тиражост — кемнелексты. Рузонь кельсэ газетатне ламолгадсть кавксосты,

СССР-нь народтнень лия кельтнесэ жо — комсисемгексты.

1913 иестэ ульнесь нолдазъ 26,2 тыща книга — 86,7 млн. экземплярсо, а 1939 иестэ нолдазъ 43,8 тыща книга 701,2 миллион экземпляр. Царской Россиясо эрва ломань нолднить весемезэ аняк 0,7 экземпляр книгат. СССР-сэ 1938 иестэ эрва ломань нолдазель 4,1 экземпляр книгат, лиякс меремс котоксты седе ламо. Минек масторсо книгат ней лиснить 111 кельсэ. Марксизмань классиктнень трудост нолдазъ ламо кемень миллион экземплярсо. «ВКП(б)-нь историянь краткой курсось» истяжо нолдазъ зярял кемень миллион экземплярсо.

Большевистской печатень икелепелень роботанзо программакс аштит ВКП(б)-нь XVIII-це съезданть исторической решениянть. Минек масторсо Ленинэнь — Сталинэнь партиянь руководстванзо коряс ушодсь эсь развитиянь од полоса, бесклассовой социалистической обществань строямонть завершения ды социализманть эйстэ коммунизмав постепенно ютамонь шка. Ней пек покш значениязо трудипатнень коммунистической воспитаниянь тевенть, ломатнень сознаниясто капитализмань пережиткатнень преодолениянь.

Большевистской печатень задачазо ашти сеньсэ, штобу минек масторонь

трудипатнень эрва чистэ воспитывать Ленинэнь — Сталинэнь тевентень педепев преданностень духсо, лездеам СССР-нь народтнень дружбасть кемекстамонть, трудиянь келей массатнес воспитывать трудонь алкукс социалистической дисциплина, борожымс мелкобуржуазной расхлябанностень каршо, производствань дезорганизатортнень каршо. Печатесь должен воспитывать ломатнень эсь родинанть вечкемань духсо, кастамс-кепедем советской патриотизманть, СССР-нь народтнень свал кирдемс мобилизационной анокчинь состояниясо ды эрва кода лездеам минек социалистической государстванть мощензэ кемекстамонть.

«ВКП(б)-нь историянь краткой курсонть» нолдамонзо марто партиянь Центральной Комитетэсь башка тешкстызе ролензэ минек печатень, конань пек покш значениязо марксизмань ленинизмань пропагандасонть. Те кармавты минек печатень седе пек лездеам минек кадратнень политической закалкаст, идеологической подгодовкаст каustomанть. Печатесь, кода мерсь Сталин ялгась, «минек партиянь сехте пшти ды сехте виев оружиязо».

Минек печатесь тевсэ ютавты славной революционной традициятнень, большевистской принциптнень, конатнень сонзэ эйс воспитали Ленин ды Сталин.



## ШКОЛЬНОЙ ЭРЯМОСЬ

Школасо  
технической  
кружоктнень  
роботадост

Икеле Шагалкин Коля, Рашанов Андрей, Жбаков Шура ды сынет ниле лия ялгасть лововилить Чамзинкань средней школосонь беряньстэ тонавницияк, аволь дисциплинированноекс. Мейле сынет кода бути заинтересовали колхозной молодняконтэ лангсо шефстванть эйсэ. Аламонь аламонь сыныштя кармасть вечкеме те тевенть, што свал уш яксилить эсест подшефной вашотнень. Теевсть седе серьезнойкс ды организованнойкс. Сыныш ней уш ачийнлить кува понгсь. Молилть подшефной вашотнень содавтомо, теить мезе эрвыи сынет мельга ухонды ветьмонь коряс ды туйть кудов. Оймсилить ды озыльть книга эжис. Кармилить урокона анокстамо. Школасоя сыныш лиякс уш аштилить занятиятнень шкастонть, кунцолыльть учителтьнень, а кольнлить, отечилить сынет максозь вопроствань ланге. Сисемнест ялгатне теевсть а содавикэкс. Ней сыныш лововить примерной тонавнициякс. Сынышкак эйкакштне ды школаныш директороскак кортыть, што сынет, неть сисем ялгатнень, те тевсэнтэ пек покш леске максэ колхозной вашотнень лангсо шефстваань ветьмонь.

Чамзинской средней школосонь улитъ зярый технической кружокт, примеркс: фотонь, юнатонь, автомобилестань-трактористань, электротехнической. Неть кружоктнень эйсэ зажимаются ламо пионерды школьничек. Кружоктнесэ роботась сынет эйсэ прививает трудовой навык, теи эйсэст седе организованнойкс.

Сехте вадрясто школосонь роботы автомобилестань-трактористань кружокс. Эйкакштне Ратников ялганть руководстванзо коряс тонавниить теориянь, практической навык жо получакшныть МТС сэ.

Электротехнической кружоксонть тонавниить 15 ломань (руководительс Нестеров ялгас). Кружокс целанек вклучилъ «Юной техник» — школанть лездемо конкурсонть.

Юнатонь кружоксонть — 10 ломать. Кружоконть ули цель гектар модазо. Сонзэ перька теить пирявкс. Моданть явшесызь деланкань-деланкань ды анокстасызь, штобу мейле эрва деланканть видемс башка культурат, амежт. Ней эйкакштне анокстыть (пургондавить) видекст ды кастыть росядат.

Но Чамзинской районсо улитъ истаткак средней ды неполной средней школлат, косо технической кружоктне малав овси а роботыть. Истатко жо положенись Б.-Березниковской районсо. Тосо ули юной техникень ды натуралистань станция. Сонзэ роботасонзо не интересуетсь ВЛКСМ-нь райкомоськак, РОНО-ськак. А ведь сыныш должны лездемс технической станциянтень ды технической кружоктнень, косо эйкакштне должны воспитываться трудонть векицякс, технически грамотнойкс. Б.-Березниковской юной техниктнень ды натуралистань станциясонтькак кружоктне а роботыть, станциянь роботниктне районсо школатнесэ а эрсит. Секс весе райононть келес аняк Б.-Березниковской средней школосонть улитъ технической кружокт, лия школатнесэ жо аразь.

ВЛКСМ-нь Чамзинской ды Б.-Березниковской райкомтнень, РОНО-тнень эрвыи седе покш мель явомс школосо технической кружоктнень роботанть ды макснемс тест конкретной леске.

Н. Никулин,

Юной техниктнень ды натуралистань республиканской станциянь массовой роботань коряс инструктор.

## Анокстыть проверочной испытаниятнень

Алова велень средней школосонть келейстэ моли проверочной испытаниятнень анокстамось.

Те вопроссь ульнес толковаз педагогической совещаниясо, комсомольской собраниясо, пионерской сборсо ды классной собраниясо.

Весе класснава нолдазь стенгазетат, косо невтезь, кода моли испытаниятнень анокстамось. Тонавнициянтень ютксо организоваз социалистической соревновани. Улитъ соцсоревнованиань доскат, конатнесэ эрси невтезь, кие ко-

да топавты эсь обязательстванзо.

Учительне анокстыть вопрос марто билетт. Повторяется весе ютазь материало. Ульнес ютавтозь родительской собрания, косо толковазель испытаниятнень анокстамодо вопроссь.

Испытаниятнень сех парсте анокстыть комсомолецтне, конатнень ютксо ламо отличникт, примеркс: Вагин, Капитанов, Кудашкин ялгатне ды лият.

В. Начаркин.

Атешевской р-н.

## Сонс а кунсолы, лиятненьгак меши

Ст.-Турдаковской средней школаныш 7-це «А» классонть эйсэ ули тонавниция, кода пек беряньстэ вети эсь прыазо урокс. Те тонавнициясь С. Нестеров.

Уроксо Нестеров свал беряньстэ кунсолы преподавательтнень, меши лиятненьгак, секс тев аняк корты мез-

де понгсь. А весть тензэ кортазель, штобу сон лоткаволь уроксо кольнемадо, кармаволь парсте тонавниеме. Но Нестеров неть кортнематнень мезеккак а ливи. Секс сон тонавниияк беряньстэ.

Б. Поздяев.

Кочкуровской р-н.



Первомайской пионерской отрядонь сборсо Саранск ошонь 1-це № школаныш 5-це классонь тонавнициянтне киштить украинской танец «Казачок».

Фотосъ К. Борисовонь.

## Кода кастамс сад

Эрва школанть должен улемс плодовой садонь участказо. Садось карма улемс живой пособиякс школосо биологиянт ды, васняк, Дарвинянь, Тимирязевянь, Лысенконь ученияст тонавнемстэ. Школьной садонть мельга ухонды ветьмонь ды весе тосо роботась (прививкась, косыкезь таратнень керсеме, нормировкатне, моданть чупонокшномась ды лия тевтне) эйкакштнень максыть трудовой покш навык.

Школьной садсонть улест истят разделт: 1) плодовой сад, 2) плодово-ягодной питомник, 3) ягодникень плантация.

Плодовой садсонть должны улемс плодовой породань сехте паро, главной сортнэ, кодат касыть те или тона районсонть. Сынет путомс (озавнемс) башка рядс. Бути улитъ путозь 16 плодовой чувтт вейкест-вейкест эйтэ 6×8 метрань тарка, сестэ садонь площадезь заны 768 квадратной метра. Васень иетнестэ рядтнень ютксо тарканть эрвыи виднемс пропадной культурат (якстерькай, модамарт).

Плодово-ягодной питомниксэнтэ эрвыи теемс истят отделения: а) размножениянь отделения или истатко участок, козонь виднемс видметь, конатнень эйтэ мейле касыть дичект (подвойт); б) формированиянь отделения, косо подвойтнень эрвыи тейнемс культурной сортнень прививкат ды формируют

плодовой сажениятнень, лиякс меремс вейке-кавто иесэ чувотнень или подвойтнень привитой культурной растениянь касовкстнень; в) отводочной отделения, косо отводсо, тарасо ды лия способсо эрвыи ламолгавтомс (размножать) ягодной чувтнень (чукшторов, крыжовник ды лият).

Плодово-ягодной питомниксэнтэ должны улемс путозь: 75 дичок, вейке иесэ 75 саженец; кавто иесэ 75 саженец. Весе те заны 140 квадратной метра. Дичоктнень эрвыи путомс вейкест-вейкест эйтэ 90×40 сантиметрань тарка. Ягодникень плантациянтэ лангс могут улемс путозь: чукшторовт, крыжовникт, инзейкст 140 квадратной метрань участкас (14×10). Раужо чукшторовтнень путомс рядтнэсэ 1,25—1,5 метрань туру ды рядтнэнь ютксо—2,5 метрань туру. Ашо ды якстере чукшторовтнень путомс рядтнэсэ 1—1,25 метрань туру ды рядтнэнь ютксо 2,5 метрань туру. Крыжовниктнень путомс истят: рядтнэсэ вейкест-вейкест эйтэ 1—1,25 метрань туру, рядтнэнь ютксо 2,5 метрань туру. Инзейкстнень: рядтнэсэ 0,75—1 метрань туру, рядтнэнь ютксо 2 метрань туру.

Истатко ладсо плантациясонть могут улемс путозь 6 рядт ягодникт, эрва рядсонть 6—10 кустт. Те участкасонть эрвыи ветьамс уход ды работа вегетационной размножениянь коряс. Ягод-

Комсомолецтне кепедить идейной  
уровенест

Пянгилай велень «Большевик» колхозонь комсомолецтне кармасть тонавниеме «ВКП(б)-нь историянь краткой курсонть». Икеле сыныш те тевентень не могли кундамс секс, што алкине ульнес идейно-политической ды общеобразовательной подготовкаст. Секс комсомолецтне кеместэ роботаст эсь лангсост, ютасть соответствующей подготовка.

Ней ушодызь большевистской партиянь героической историянтэ тонавниемазо. Ютызь уш васенце главанть, весе комсомолецтне ветить конспект. Аволь умок ушодызь «ВКП(б)-нь историянь краткой курсонь» омбоне главанть тонавниемазо. Н. Гераськин. Чамзинской р-н.

Прядызе IX-це главанть  
тонавниемазо

Комсомолкась К. Меркулаева ялгась роботы учительницакс Пакся Тавла велень неполной средней школосо. Сон парсте относится эсь обязанностнень, ловови активной комсомолкак, вадрясто вети классо учебно-воспитательной роботанть.

Меркулаева ялгась самостоятельно тонавни «ВКП(б)-нь историянь краткой курсонть». Аволь умок прядызе IX-це главанть лангсо роботанзо. Весе главатнень коряс улитъ конспектэсэ.

Меркулаева ялгась аравть эсь икелензэ задача те иень кизэнтэ перть прядомс «ВКП(б)-нь историянь краткой курсонть» тонавниемазо ды мейле кармасть роботамо марксизмань-ленинизмнь первоисточниктнень лангсо.

Б. Платонов.

Кочкуровской р-н.

## Гузынца велень клубсо

Мельспаро сайдынат, зардо соват Гузынца велень клубонтень. Тосо валдо ды ванькс. Стенатнесэ понгавтнез портрет, лозунгт.

Ютко шкасто од ломатне, колхозниктне яксит эсь клубонтень. Тосо ули патефон. Улитъ книгат, газетат, журналт.

Клубонь заведующеесь Балыкова ялгась светстэ ютавни беседат, докладт эрва кодамо вопросень коряс, организовакшны газетань ловномат.

С. Кручинкин, П. Вельдякин.

Б.-Березниковской р-н.

никень кустарниктнень путомс рана тунда, моданть чувомс коймс, яматнень чувомс путомандонть икеле. Путомс эрвыи корёнонь шейкадонть седе сэрестэ, аняк инзейкстнень путомс коревой шейканть видьга.

Плодовой питомникс видметнень видемс парсте чупоноз ды удобренной модас. Сех вадря модакс ловови супсчанное, плодородное. Видемс шнуронь коряс ряднэнь-ряднэнь. Рядтнэнь ютксо таркась улезэ 15—20 сантиметра. Вейке метрань туру деланканть теемс 4 рядт. Умаринань, грушань видметнень моданть валамс 2—3 сантиметрань сэрсэ. Аямарень, черешнянь, абрикосонь, персикень, торлань видметнень валамс 3—4 сантиметрань сэрсэ. Видемс эрвыи рана, кодак аняк можна ули ушодомс участкасонть или садсонть робота. Видемадо икеле видметнень сортировамс. Човорямс пиявкс или перегной марто ды валномс ведьсэ.

Кодак аняк лисить вейке-кавто лопинет, видметнень тарксемс ды путомс лия таркас. Тень пингстэ эрвыи корешоконтэ скирямс. Теде мейле седе парсте карми касомо корёнос. Путомс истят: рядтнэсэ юткось улезэ 10—12 сантиметра, рядтнэнь ютксо жо 20—25 сантиметра. Мейле эрвыи ветьамс истатко уход: кочкомс, чупонокшномс.

Д. Григорьев,

Юной техниктнень ды натуралистань республиканской станциянь агроном.



# Комсомольской газетатненъ лемсэ массовой комсомольской кросстнненъ анокстамонъ коряс тренировочной занятиятненъ

## ПРОГРАММА

Тренировка чигне	Цёратненень—ГТО-нь I-це ступенень значок лангс. Юношатненень—БГТО-нь значок лангс. 1000 метранъ тарка.	Цёратненень—ГТО-нь II-це ступенень значок лангс. 3000 метранъ тарка.	Тренировка чигне	Тейтерь-аватненень—ГТО-нь I-це ступенень значок лангс. Тейтертненень—БГТО-нь значок лангс. 500 метранъ тарка.	Тейтерь-аватненень—ГТО-нь II-це ступенень значок лангс. 1.000 метранъ тарка.
1	Прогулочной темпсэ якомо 1,5 клм. тарка. Якамондонтъ мейле 600 метранъ туро састо чиема, мейле таго 1,5 клм. туро якомо.	Средней темпсэ якомо 1,5 клм. туро, мейле вейке километранъ туро чиема аволь покш темпсэ ды таго 1,5 клм. туро якомо.	1	Средней темпсэ 1 клм. туро якомо, мейле састо 200 метранъ туро чиема ды таго 1 клм. туро якомо.	3 клм. туро якомо, якомонъ эрва километрадонть мейле састо чиема 300 метранъ туро.
2	Якамо 1 клм. туро, мейле 800 метранъ туро чиема средней темпсэ ды таго 1 клм. туро-якомо.	Средней темпсэ 4—5 километранъ туро якомо. Якамонъ эрва километрадонть мейле 500 метранъ туро средней темпсэ чиема.	2	Средней темпсэ 700 метранъ туро якомо, мейле састо 300 метранъ туро чиема, теде мейле таго средней темпсэ 2 клм. туро якомо.	4 клм. туро якомо, якомонъ эрва километрадонть мейле састо чиема 400 метранъ туро.
3	500 метранъ туро бойкасто якомо, мейле средней темпсэ 500 метранъ туро чиема. Теемс кавксть.	6 клм. туро средней темпсэ якомо. Якамонъ эрва километрадонть мейле 300 метранъ туро средней темпсэ чиема.	3	500 метранъ туро бойкасто якомо, мейле састо 300 метранъ туро чиема. Теемс кавксть.	Састо 600 метранъ туро чиема, мейле 500 метранъ туро якомо, теде мейле средней темпсэ 500 м. туро чиема.
4	800 метранъ туро средней темпсэ чиема, мейле 500 метранъ туро бойкасто якомо ды таго средней темпсэ чиема 800 метранъ туро.	2 клм. туро састо чиема, мейле прогулочной темпсэ 1 клм. туро якомо ды таго 2 клм. туро састо чиема.	4	Састо 500 м. туро чиема, мейле 500 м. туро якомо ды таго 500 м. туро средней темпсэ чиема.	Састо 1.000 м. туро чиема, теде мейле 1 клм. туро якомо.
5	Кавксть 300 метранъ туро чиема, чиемадонтъ седе пек виегавтома марто, чиемадонтъ виегавтомадонтъ ютксо шкастонть перерывень теэзъ. Мейле 1 клм. туро прогулочной якомо.	Средней темпсэ вейке километранъ туро чиема, мейле 500 метранъ туро бойкасто якомо. Теемс колмоксть.	5	Чиема 200 метранъ туро, чиемадонтъ седе пек бойкалгавтома марто, мейле 300 м. туро якомо. Теемс колмоксть.	Средней темпсэ 500 м. туро чиема, мейле 500 м. туро бойкасто якомо ды 200 м. туро чиема, чиемадонтъ седе пек бойкалгавтома марто, теде мейле 600 м. туро якомо.
6	Састо 1.200 метранъ туро чиема, мейле 1.000 метранъ туро якомо.	Средней темпсэ 2 клм. туро чиема, мейле 1 клм. туро якомо ды таго 2 клм. туро састо чиема.	6	100 м. туро бойкасто якомо, мейле чиема 100 м. туро, чиемадонтъ седе пек бойкалгавтома марто, теде мейле 100 м. туро якомо. Теемс колмоксть.	800 метранъ туро средней темпсэ чиема, мейле 1 клм. туро прогулочной якомо ды таго мейле 600 метранъ туро састо чиема.
7	500 метранъ туро чиема истямо темпсэ, кодамо эрви 1.000 метранъ туро норманъ максомсто. Мейле прогулочной темпсэ якомо 1 клм. туро.	2 клм. туро чиема истямо темпсэ, кодамо эрви 3.000 метранъ туро норманъ максомсто, теде мейле 1 километранъ туро якомо.	7	200 м. туро чиема истямо темпсэ, кодамо эрви 500 метранъ туро норманъ максомсто, мейле 200 м. туро якомо. Теемс кавксть.	500 м. туро чиема истямо темпсэ, кодамо эрви 1.000 метранъ туро норманъ максомсто, теде мейле 1 клм. туро прогулочной якомо. Теемс кавксть.
8	1 километранъ туро прикидка.	3 километранъ туро прикидка.	8	500 м. туро прикидка.	1000 м. туро прикидка.
9	Прогулочной якомо 1 клм. туро, мейле састо чиема 1.500 метранъ туро.	Састо чиема 4 клм. туро, теде мейле 1 клм. туро прогулочной темпсэ якомо.	9	Прогулочной якомо 800—900 м. туро, мейле састо чиема 800 м. туро.	1.200 м. туро састо чиема, мейле 1 клм. туро прогулочной якомо ды таго мейле састо чиема 800 м. туро.
10	Састо чиема 800 метранъ туро, мейле седе бойкасто чиема 300 метранъ туро (кавксть), седе бойкасто эрва чиемадонть мейле 5 минутанъ перерыв марто. Теде мейле 1 клм. туро састо чиема.	Средней темпсэ 2 километранъ туро чиема, мейле 1 клм. туро якомо ды таго састо 2 клм. туро чиема.	10	Прогулочной якомо 800 м. туро, мейле седе бойкасто якомо, сядонъ-сядонъ метра кавксть (седе бойкасто эрва ютавтомадонть мейле 5 минутанъ перерыв марто), теде мейле 600 м. туро састо чиема.	600 м. туро састо чиема, мейле седе бойкасто кавтосядонъ - кавтосядонъ метранъ туро чиема (кавксть), бойкасто эрва чиемадонть мейле перерыв марто.

## Европасо ды Африкасо войнась

(Маень 4-це ды 5-це чистэ военной действиятненъ дневник)

Маень 4-це чинь каршо вестанть ся-дот германской бомбардировщиктне зя-рны часонь перть ёртнестъ бомбат Ли-верпульнъ лангс. Бомбардировательтне иста жо Мидузбронъ портось ды про-мышленной сооружениятне, Южной Ан-глиясо военной завод ды аэродром.

Омбоце вестанть германской бомбар-дировщиктне покш соединениятне-тейстъ налёт Бельфаст важной пор-тонть лангс (Северной Ирландия). Лия соединениятне атаконъ Англиянъ западной берексонть военной верфт-ненъ ды Мерсей леень районсонть объек-тнень. Англиянъ маласо ведтнеса гер-манской самолётнэ ваявтеть 4 торговой пароходт ды коласть лия 5 покш тор-говой суднат.

Английской авиациясь маень 4-це-чинть каршо вестанть тейсь налёт Кельснэнтъ лангс ды, Рейтер Агентст-вантъ валонзо коряс, ёртсь тышат кир-вастиця бомбат ошонъ промышленной райононть лангс. Покш калибранъ бом-бат ульнестъ иста жо ёртось кавто германской линкортнень лангс, конат кекшнестъ Брестсэ. Секе жо вестанть бомбардировазь Шербургсо ды Булонь-сэ доктне, Роттердамсо нефтехранили-щатне, Эссэнсэ, Дюссельдорфсо объек-тнэ ды Южной Норвегиясо аэродромсь.

\*\*\*

Северной Африкасо военной дейст-виятне мольсть Тобруконъ районсонть ды ливийско-египетской границанть лангс, Соллумонъ секторсонть. Ан-глийской командованиянть сводкасонзо невтневи, што английской войскадне, конат обороняют Тобруконть, ванстызь эсест позицияст ды тейстъ противни-кентень покш урон. Рейтер агентст-ванъ корреспондентсэ, кона ашти ан-глийской войскадненъ марто Западной пустынясонть, пачти, што Тобруконть маласо апрелень 30-це ды маень 1-це-читнестэ бойтненъ шкастонть англи-чантнэ сайсть пленсэ 3 тышат немец-т ды итальянцт. Тобруконть вакссо опе-рациятнесэ, невтни корреспондентсэ, теэзъ покш вачкодкэ Египетанть лангс наступления германской анокстамон-ненень. Противниксэ неень шкастонть не может использовамс Бенгазиетэ Сол-лумов прибрежной кинть. Сень кувал-ма, што английской войскадне Запа-дной пустынясонть эрва чистэ получа-шныть подкрепления, противниксэ сацтнесы Египетанть лангс эсенээ на-ступлениянзо.

Восточной Африкасо, Абиссиниясо, английской войскадне яла молить Ам-ба-Алаги пунктонть (Аддис-Абе-банть эйстэ север ёно).

(ТАСС).

## Франциясо коммунистнень преследованиясь

Кода пачти ОФИ (Гавас) агентствась, Марселень военной трибуналось (Фран-ция) прыдзые 54 коммунистнень те-вест кунсолманть, конат чумондовить «коммунистической партианть восста-навливаниясо». Трибуналось судинзо 26 коммунистнень тюрьмас пекстамос ды каторжной роботас эрва кодамо-срокс.

(ТАСС).

Ответ. редакторсь А. ЩЕГЛОВ.

## МИНЕНЕК СЕРМАДЫТЬ

### Дружнасто ды организованнойстэ

Дружнасто ды организованнойстэ кундась тунда видемантень Редко-дубьевской «Красногвардеец» колхозось. Покш роль теньсэ налкиси се, што колхозось вадрысто анокстась паксянъ роботатненъ ютавтомантень.

Паксянъ роботатненъ ютавтомасонть активна участвовать комсомолец-тнэ. Сынъ ветить колхозниктненъ ютксо политико-массовой работа ды нев-тить трудонъ производительностень образецт. Комсомолецсь А. Абрадин свал кавксть велькска топавтни заданиянзо.

И. КУБАСОВ,

комсомольской организациянъ секретарь.

Ардатовской р-н

### ПОКШ УРОЖАЕНЬ КИС

Колхозниктненъ трудост дополнитель-ной пандомадонть СССР-нь Совнарко-монть ды ВКП(б)-нь ЦК-нть постанов-лениясь ашти покш стимулокс социа-листической велень хозяйстванъ седеяк покш успештненъ кис бороцямосонть.

Пакся Тавла велень «17-й парт-сезд» колхозонъ колхозниктне те-диде бороцить сень кис, штобу эрва гектарсонть получае розь 17 цент-нер, товзуро 18 центнер, ксав 14 цент., модамарь—200 центнер.

П. Борисов.

Кочкуровской р-н.